

Hofi literario na honor di Sr. Lio Booi

Diasabra dia 24 di october na Pos Chikito

ORANJESTAD (AAN): Despues di un break cortico nos ta back cu nos Hofi Literario pa deleita tur nos amantenan di prosa, poesia, musica y drama riba un anochi suave y placentero den

nos hofi na school di Idioma Yolanda Croes na Pos Chikito.

E biaha aki e anochi lo ta dedica na sr. Hubert [Lio] Booi y nos lo scucha di su bida, nara pa sr. Angelo

Tromp, prome director di Instituto di Cultura aki na Aruba. Grupo La Escala lo anima e anochi cu algun cantica como tambe Grupo E Motibo di Yolanda Croes mes cu lo presenta "Chanita", un

cantica composita pa nos propio Lio Booi. Wendy Sneek, nos poeta y artista kende semper sa di deleita nos cu su arte di declama den Hofi Literario, lo presenta e biaha aki poesianan di sr. Hubert Booi.

Señora Munye Winklaar tambe lo declama algun poema di sr. Booi y nos flamante Ruthy Vrieswijk lo tey pa dedica su poesianan na Lio. Na final di anochi Yolanda Croes lo haci presentacion di e Simia di

Glas na Sr. Booi. MC di anochi lo ta den man di Desiree Correa, kende manera semper lo sa di entretene e publico di ora nos cuminsa te na final. Mirando e programa por bisa cu e anochi di 'Hofi Literario' ta priminti di bira atrobe un anochi yena cu encanto, beyesa di palabra y amistad. Considera e invitacion aki uno personal. Laga problema e dia ey na cas y bin gosa un rato di nos 'Hofi Literario', un anochi specialmente pa bo.

Diario. - (23 di oktober 2009)